

Nimewo 34

D E K R È E G Z E K I T ! F

DEKLARASYON YON KATASTWÒF NAN KONTE JEFFERSON

KONSIDERE KE, yon brèch nan konduit prensipal dlo nan Vil Watertown te deranje apwovizyonman dlo nan tout vil la, ki afekte rezidan yo, lekòl yo, lopital ak etablisman swen sante yo, repons nan ka ensandi ak ijans, biznis, Fort Drum ak vil alantou yo.

KONSIDERE KE, apwovizyonman dlo aktyèl la ta dwe fini jodi a, sa k ap kreye yon ijans sante ak sekirite.

KOUNYE A, KIDONK, MWEN, ANTONIO DELGADO, Gouvènè Adjwen Eta New York, kote m ap aji an konfòmite ak Atik IV, seksyon senk Konstitisyon Eta New York la ak konfòmeman ak Seksyon 28 nan Atik 2-B nan Lwa Egzekitif la, konstate avèk dokiman sa a gen yon katastwòf ki pandye kote gouvènman lokal ki touche yo pa kapab entèveni kòmsadwa. An konsekans, mwen, avèk dokiman sa a, ap deklare yon Ijans nan Eta a nan ka Katastwòf, ki ap rantre an vigè nan dat 19 oktòb 2023, nan limit territorial konte Jefferson. Dekrè Egzekitif sa a ap rete an vigè jiska dat 18 novanm 2023; epi

ANPLIS DE SA, konfòmeman ak Seksyon 29 nan Atik 2-B Lwa Egzekitif la, mwen mande egzekisyon Plan Global Eta a pou Jesyon Ijans (State Comprehensive Emergency Management Plan) ak otorize, anvigè apati 19 oktòb 2023, ajans yo nan Eta a jan sa nesesè, pou yo pran mezi apwopriye pou pwoteje pwopriyete Eta a epi pou ede gouvènman lokal ak moun ki touche yo nan entèvni kont katastwòf sa a epi nan refè anba li, epi pou ofri lòt èd ki nesesè pou pwoteje sante ak sekirite publik.

ANPLIS DE SA, avèk otorite mwen genyen dapre Seksyon 29-a nan Atik 2-B Lwa Egzekitif la pou sispann oswa chanje pwovizwaman nenpòt lwa jeneral, lwa lokal, òdonans, dekrè, règ oswa règleman, oswa pati ladan yo, si respè lwa jeneral, lwa lokal, òdonans, dekrè, règ oswa règleman sa yo ta anpeche, jennen oswa retade mezi ki nesesè pou fè fas a katastwòf la, oswa si sa nesesè pou bay asistans oswa èd pou fè fas a katastwòf sa a, avèk dokiman sa a, mwen sispann oswa chanje pwovizwaman, pou peryòd ant dat Dekrè Egzekitif sa a antre an vigè a jis nan dat 18 novanm 2023, lwa ki annapre yo:

- Atik 5-A Lwa Minisipal Jeneral la, nan mezi sa nesesè pou achte pwodui, sèvis, sa gen ladan konstriksyon ak ekipman san yo pa swiv avi ak pwosesis acha nòmal yo;
- Seksyon 97-G nan Lwa sou Finans Eta a (State Finance Law), nan mezi sa nesesè pou achte manje, materyèl, sèvis, ak ekipman oswa founi oswa bay diferan sèvis santralize pou ede

gouvènman lokal, moun, ansanm avèk lòt antite ki pa fè pati Eta a ki viktim yo;

- Seksyon 112 nan Lwa sou Finans Eta a, nan mezi li annakò avèk Atik V, Seksyon I nan Konstitisyon Eta a, epi nan mezi sa nesesè pou ajoute plis travay, chantye ak tan nan kontra eta a; epi
- Seksyon 163 nan lwa sou Finans Eta a ak Atik 4-C nan Lwa sou Developman Ekonomik (Economic Development Law) la, nan mezi sa nesesè pou achte pwodui, sèvis, teknoloji, ak materyèl ki nesesè yo, san yo pa swiv avi ak pwosesis acha nòmal yo.

F È T anba siyati mwen ak So Prive

Eta a nan Vil Albany nan

19^{yèm}

jou mwa oktòb nan ane de

mil

venntwa.

SOU LÒD GOUVÈNÈ ADJWEN AN

Konfòmeman ak Ativ IV Konstitisyon Eta New York la

Sekretè Gouvènè a